

ممالك عثمانیه ده سنه لکی (۶۵) ، آلتی
ایلغی (۳۵) غروشدرد .
ممالك اجنبیه ده سنه لکی (۱۷) ، آلتی
ایلغی (۹) قرانقدرد .

باب عالی جاده سنده دائره مخصوصه

آبونه بدلی پشیندور .

§
مسلكه موافق آثار مع الممنونه قبول
اولنور . درج ابدلہ میں یازیلر اعاده
اولونماز .

١٣٣٠

دینی ، فلسفی ، علمی ، ادبی ہفتہ لقی مجموعۂ اسلامیہ در .

صاحب و مدیر مسئول

باش محرو

والله يهدي من يشاء الى صراط مستقيم

اشرف ادیب

محمد عاكف

اتبعون اهدكم سبيل الرشاد

جلد ۱۳

۱ محرم ۱۳۳۳ پنجشنبه ۶ تشرین ثانی ۱۳۳۰

۳۱۸ جلد

نہایت شریف

بِسْمِ اللَّهِ الرَّحْمَنِ الرَّحِيمِ

« انْفِرُوا خِفَافًا وَثِقَالًا وَجَاهِدُوا بِأَمْوَالِكُمْ وَأَنْفُسِكُمْ
فِي سَبِيلِ اللَّهِ ، ذَلِكَ خَيْرٌ لَّكُمْ إِنْ كُنْتُمْ تَعْلَمُونَ . »

عالم جاہلی

ای مؤمنان! کنج‌چیز، اختیار‌یکز، زندگیکز، فقیری‌کز عموماً دشمن‌یکز قارشی چیت‌کز و مال‌کزله، جان‌کزله الله یولنده مجاهده ایدی‌کز ! سز سوبیلورم ای مومنلر، بوجهاد عمومی سزک ایچین هرشیدن خیرلیدر؛ اکر سز خیری بیلور و آنی شردن تفریق وتمیز ایتمک ادراک و اذعاننه مالک بولونیورسه کز .

مال حکیمی بیان اولونان بونظام جلیل ، خیرالقرون اولان عهد
جلیل جناب خاتم الانبیا (علیه الصلاة والسلام) اقدیمز حضرتلرینک
آلتون قلملرله یازیلغه الحق سنرا اولان مناقب جلیله غزواتندن ، مفاخر
علویة مجاهداتندن ، خصوصیه - غزای بدر کبری و فتح مبین بطحاکبی -
قرآن حکیمده عادتاً تفصیل درجه سنده مذکور اولان « تبوک غزاسنی »
آمر اوله رق جلالت بخش نزول اولان آیات کریمه دن بریدر .
وقتا ، که هجرت سنیه نک طقوزنجی سالی ادراک اولوندی ، لحکمة
جزیره العربی باشند باشه « ناراله » موقرة « وصفنه شایان بر آتشین ،
خانمان سوز قحط استقلا استدی .

اوزمان شامده روم قیصری بولونمش اولان (هرقل) جزیره
العربك اوزرينه چوكن بو هول انكين قضای آسانی بی « مصائب قوم
عند قوم فواقد ! » دستور طبیعیمسینجه فرصت عد ایدرله بویوک بر
قوتله مهجر اسلامیه یوکلنمکی تصمیم ایتدی . قیصر ، عقلنجه نور
توحیدی سوندورهك، جهان انسانقی باشند یاشه تبلیثك بر کشور
مظلومی کورهك ، ناقوسلرك طنین ولوله دارى آراسنده اعلان
شادمانی ائده حکدی .

« کی بود دریا ز پوزسک نجس - کی بود خورشید از یف منطمس »
 « هر که بر شمع خدا آرد یفو - شمع کی میرد ، بس - وزد پوزاو »
 « چون تو خدایان بسی بینند خواب - کین جهان ماند یتیم از آفتاب »
 زوالی هر قل ! هیچ - قوه قدسیه تثلیثیه (!) - کشف
 اید میوردی ، که شامده اوچ سنه لکدن عبارت بر عمر واپسین سلطنتی
 قلمشدی ! هیچ احتمال و امکان ویر میوردی ، که یک یقین بر زمانده
 او وسیع الانحاملکنی بوتون خزائنیه امین الامه ابو عبیده الجراح ایله
 سیف مسلول اسلامیت خالد بن ولیده (رضی الله عنهما) ترك ایدرک
 آتشین یاشلر ، بوغوجی هیچ قمر یقلر ایچنده قاجه حق . طوروس
 داغلرندن آشارکن اودنیا جنتی عدایتدیکی کشور بی وفاسنی صوک
 دفعه کوره بیلمک خولیا سیله دونوب حزین حزین آغلا یهرق برمدت
 نایه قاله جتی !

هرقل ، اوجسيم (۱) اردوسنك تشكيليده اوهراشيركن بر قافلهٔ
نجات — صانكه بوفجيج سوء قصدى وقتندن اول ، خبر ويرمك
ايچين — شامدن مدنۀ منوره يه كيديردي .

سكان دارالایمان، قیصر ك حاضر لافنده اولدی بومهمینه تجاویزی
استخبار اینجه کوکره دیلر : قیصر ، بورو باه پسندانه تشبیه کویا
بر آرسلان سوروسنه قارش یی قیصر بولدی ! قلیچ سالادی ! هپس
بردن پرغضب آیاقلاندوب اوزرینه ایندی .

« اعباد المسیح یكون محیی ؟ - ونحن عیید من خلق المسیح . »
قافله دن ترشح ایدن بر خبر دالسلامه یاییلدی : سمع هایون
جناب رسالتناهی (علیه الصلاة والسلام) واصل اولدی . یاران
توحید حرم شریفه دعوت بووردی . جناب اشجع الرسل افندمن
حضرتلری کمال وقار و سکینته دوعروجه منبر هایونلری تشریف
بووردیلر . ایرادینه باشلادقلری بلیغ، هوشربا بر خطبه لرله بوتون محابه
کزین غشی اولدی . ایشته بو خطبه جلیله نك : « من جهز جيش -
العسرة فله الجنة . » مزده لاهوتیسی ایدی . تركه مال منی : « هر
کیم بوکون حکمفرما اولان شو قحط الیم ایچنده ، شو کابوس عسرت
آلتده ناکهانی باش کوسترن حرب ایچین عسکر تجهیز ایدرسه اونک
ایچین جنت واردر . اونک ایچین حق و صلت واردر . اونک ایچین ایدی
سعادت واردر ، ایشته بو نعمت عظمای لسان حقدن شمیدین تبشیر
ایدرم . » دیمکدر . بومزده رسالتدن - جهل دن زیاده - سرمست
اولان یارغار وفادارلری هان خانه سنه قوشدی . بوتون موجودی اولان
درت بیک درهم کوشی قابوب خاک کوی رحمة للعالمینه عرض و تقدیم
ایتدی . ذات اقدس رسالتناهی هنوز منبرده ایدیلر .

فدا کار معشوقلرینه صور دیلر : « هل ابقيت لاهلك شیأ ؟ =
هائلك ایچین بری آیردکی ؟ » اودنیا خزینه لرینه نظر استحقار ایله
بلقی بیله تنزل عد ایدن صدیق روحی بر لسان استغنا ایله :
« ابقیت لهم الله ورسوله = اونلر ایچین اللهك لطفی ، رسول ذیشانك
عاطفتی ابقا ایتدم . » جوابی ویردی . هربری بر رجائی توحید الهی
اولان اوسابقین ایمان ، اومؤسسین بنیان اسلام نه قحطک تهدیدینه ، نه ده
ضرورتک شدتنه اصلا اهمیت ویرمدیلر ، ماملک لرینی فدا ایدرک بر قاج
کون ایچنده بوتون تجهیزاتیله فرق بیک - بر روایتده یتیم بیک
کشیک مکمل بر اردوی جناب قوماندان اعظم (صلی الله علیه
وسلم) افندمن حضرتلرینه عرض ایتدیلر . اردوی هایون دارالسلامدن
حرکت ایتدیکی ائاده جناب حق شامیلر اوزرینه نقاب قهر و جلالتی
رفع بووردی . هرقلک اوجسم اردوسنه مدهش بر طاعون مسلط
اولدی . مقصدلرینی اونوتدیلر . کندی دردلرینه دوشدیلر . اردوی
هایون (تبوك) قدر کلدی . روملرک شامده دوجار اولدقلری طاعون ،
قهر الهی خبر آلدی . جناب حکیم الرسل افندمن حضرتلری
بومستولی مرضك تخریباتی ائاسنده شام اوزرینه بورومه نك ، خصمه
تماسك جائز اوله میسه جنی بیانیله (تبوك) ده بر قاج کون آرام
واستراحتدن صوکره عودت امرینی ویردیلر .

محابه کزیندن بر قاج ذات اردوی هایونک حین عزیمتده بلامعذرت
استبطا ایتشار ، کری قلمش لردی : اردوی هایون مدینه منوره

کیررکن بونلر رهگذر انده صف بسته تعظیم اوله رق التفات جهان
قیمت رسول کبریاه منتظر قالدیلر !

ذات حضرت رسالتناهی تام بونلرک حذرلرینه کلنجه مقدس
یوزلرینی چویردیلر : سلام ویرمدیلر ، مشارالیم اورا جقده ییلدیرمه
وورلمشه دوندیلر ، درحال ایلری قوشوب یکی بر موقع انتظار
طوتدیلر . ینه سلام یوق ! ایوا ! ... اوچنجی بر موقع انتظار ...
ینه نافله ! بونلره هیچ برکیمه نك سلام ویرمه سی ، یوزینه باقمسی
لزومی فرمان بووردیلدی . سکان دارالسلام بونلردن یوز چویردی .
بومقاطعه اخوت و جمعیت تام الی کون سوردی . قرقنجی کونی
ایدی ، که طرف جلیل رسالتدن « هائله لرله هم فراش اولاملری » امر
هالسی حکمت افزای صدور اولدی . آرتق دنیا او وسعتیله برابر
باشلرینه دار کلک باشلادی . نهایت جله دولدی ، توبه لرینک
نزد حقدن مظهر قبول اولدیغنه دأر « وعلى الثلاثة الذين خلفوا
حتى اذا ضاقت عليهم الارض بما رحبت وضاقت عليهم انفسهم
وظنوا ان لا ملجأ من الله الا اليه ثم تاب عليهم ليتوبوا ان الله هو التواب
الرحيم = بلامعذرة کیرویه قالوبده تبوك غراسنه کیمین اوج ذانک ده
الله توبه لرینی قبول ایتدی . اونلر کیرویه قالمه لرندن و خصوصیه رسولک
وامتک سلامی ، التفاتی ، هر درلو علاقه و مناسبتی کسملرندن او
درجه متأثر و مضطرب اولدیلر ، که دنیا او وسعتیله برابر باشلرینه طار
کلدی : قرانلق ، زندان کسلدی : قلبلری هموم و غمومک شدتندن
بونالیدی . آرتق تمامیه اکلادیلر ، قناعت کتیردیلر ، که اللهك قهر
وغضبندن صغینه جق ینه اللهك باب مرحمتدن باشقه هیچ بر ملجأ
یوق . صوکره اخلاص تام ایله اللهه توبه ایتدیلر ، اللهده اونلری
- توبه لرنده اخلاصلرینی محافظه ایتک ، ثابت قدم اولمق اوزره -
عفو و صفح بووردی . بیلمش اولیکز ، که الله ، کناهلرینه ندامت
وباب مرحمتنه انابت ایدنلرک توبه لرینی قبولده لطفی بک مبدولدر .
مرحقی بی نهایت در . « بشارت الهیه سی عنایت بخش نزول اولدی .
معروض قالدقلری او مدهش محکومیتدن قورتولدیلر ده عادتاً یکیدن
حیات بولمشه دوندیلر .

انسان ایچین - دوشونملی ! - ایچنده یاشادینی هیئت اجتماعیه
افرادینک - تا عائله سنه وارنجیه قدر کندیسندن یوز چویرمسی ،
کمال نفرتله یانندن قاقچی قدر فلا کتمی اولور ؟ تولوم ، بومصیبت
هائله نسبت ، بک اهون قالیر . سن بویله بر نفرت همومینک ایچنده
بولون ، بویله بیکلرجه اخوان جمعیتک ضربات تحقیر و تلغینی آلتنده
ازیلده صوکره ینه حضور و راحت ایچنده یاشا ! ایشته اسلامیتک
تأسیس ایتدیکی بنیان مرصوص جمعیت و ملیت ! ایشته اسلامیتک امر
ایتدیکی حمت ! استحقار مال و جان ! سابقین اولین اسلامیه بویله
مال و جانلرینه خدمت ایتدیلر . بو مضاعف علویتلریدر ، که حقیقی
انسانیتی میدانه چیقاردی . بو طاقت بر اندازانه غیرتلیدر ، که افرادی
یوزلرجه میلیونه بالغ اولان قوجه بر ملت اسلامیه و مدنیه وجوده

یولنده حرب ایتمش اولور ؟ بونک اوزرینه رسول الله صلی الله علیه وسلم
[من قاتل] بویوردی .

بو حدیث شریف صحاح ست ایله مسند امام احمد بن حنبل حدیثلرندندر .

حدیث شریف

الجهاد واجب علیکم مع کل امیر برآ کان أو فاجرا وان
هو عمل الکبائر . والصلاة واجبة علیکم خلف کل مسلم برآ کان
أو فاجرا وان هو عمل الکبائر . والصلاة واجبة علیکم هل کل
مسلم يموت برآ کان أو فاجرا وان هو عمل الکبائر .

مال شریفی

ایستر مطیع وصادق ، ایستر فاجر وفاسق اولسون هر امیر ایله
برلکده جهاد ایتمک - بوامیر کبائر ایشله مش اولسه بیل - اوزرکزه
واجبدر . ایستر مطیع وصادق ، ایستر فاجر وفاسق اولسون
هر مسلمانک آرقاسنده نماز قیلماق - بومسلمان کبائر ایشله مش
اولسه بیل - اوزرکزه واجبدر . ایستر مطیع وصادق ، ایستر فاجر
وفاسق اولسون وفات ایدن هر مسلمانک جنازه نمازینی قیلماق -
بومیت کبائر ایشله مش اولسه بیل - اوزرکزه واجبدر .

بو حدیث شریف سنن ابی داود ایله مسند ابو یعلانک ابوهریره
رضی الله عنهدن مروی حدیثلرندندر .

حدیث شریف

من راح روحه فی سبیل الله کان له بمثل ما اصاب من الغبار
مسکاً يوم القيامة

مال شریفی

هرکیم فی سبیل الله (جهاد ایچین) یوله چیقارسه (بوعملی) قیامت
کونی کندیسنه اصابت ایدن توز طوبراق قدرنجبه مسک خوشبویه
منقلب اولور .

حدیث شریفک راویسی انس بن مالک رضی الله عنهدر . مخرجی
ضیاء مقدسی در .

حدیث شریف

من فدى اسيراً من ایدی العدو فأنا ذلك الاسیر .

مال شریفی

هرکیم براسیرک فدیسه سنی ویره رک دشمن الندن قورتاریرسه ایسته
او اسیر بم . (یعنی بنی قورتارمش کبی اولور)
بو حدیث شریفی طبرانی معجم کبیرنده ابن عباس رضی الله عنهدن
روایت ایدیور .

احمد نعیم

کتیردی . مشارالیهم حضراتی هر بری - حافظه انامده الی یوم القیام
باقی قالا حق - بر منقبه معالی ، بر داستان مفاخر تشکیل ایدن بومال
وجان فدا کارلقلرینه مقابل شخصیتلری نامنه ذره قدر بر منفعت
ایستمدیلر . ایستمک شویله دورسون خاطرلرینه بیله کتیرمدیلر .
اونلرک سلطان آمالی اعلاء کلمه الله ایدی . اسلامیتک انتشاری ، بوتون
اخوان انسانیتی آغوش توحیدینه آلهرق ظلام شرک وضلالک محوی
ایدی . جمعیت مدنیة اسلامیة سایه جلا دتلرندره بویودکجه بویور .
انسانلر ایچین اک مسعود بر ملجأ حیات ، اک جان پرور بر سایه
امن وامان اولیوردی .

ایسته اسلامیت ، مهتدی ومؤمنلرندن دائماً بونی ایستیور . دائماً
بونی امر ایدیور .

اونلرک مخاطب اولدقلری قرآن کریمه عیدیه بزده مخاطب . اونلرک
مأمور اولدقلری احکام جلیله الیه الیه بلا فرق بزده مأمور ومکلف .
بز اونلرک اسلامیت نه قدر صارلدقلرینی ، اطاعت وانقیالرینی نه درجهیه
قدرایلری کوتوردکلرینی ، برده بزم اومقدس قانون الیه به قارشینی نه قدر
لاقید ، نه قدر متباعد بولوندیغمیزی بی طرفانه ، منصفانه دوشونورسهک
ادها ایتمکده اولدیغمز ایمان واسلامدن نه قدر حظ ونصیبمزل اولدیغنی آکلارزا
هر مؤمن اسلامیتک حفظ علوی ، اخوان دینتک صیانت حیاتی
ایچون مال وجانی فدا ایله مکلفدر . ایسته بزم کتاب الله دلیل اعتصاممزل ،
شاهد انتباهمزل بودر . بوکون حقیقی مؤمنلر ایچین اک مهم فریضة
قرآنیه ایسته بودر .

محمد فخرالدین

حدیث شریف

دشمنلر مزله طوتوشدیغمز بو حرب بی امان انساننده احکام جهادک
مستند اولدیغنی احادیث شریفه نبویه بیلمکده کی فوائد عظمی غیر
منکر اولدیغندن بوباده وسع وامکان دائره سنده فضله احادیث شریفه
جمع ایتمک فصدیه بوهفته دن اعتباراً جهاده متعلق آثارک سبیل الرشاده
درجنی تنسیب ایدیور . ومن الله التوفیق .

حدیث شریف

من قاتل لتكون كلمة الله هي العليا فهو في سبيل الله عز وجل .

مال شریفی

هرکیم کلمه الله ، اما بالکمز کلمه الله اوستون اولسون دییه دوکوشورسه
ایسته اونک جهادی الله یولنده جهاددر .

حدیث شریفک راویسی اولان ابو موسی الاشعری رضی الله عنه
دیورکه « امراینک بری رسول الله صلی الله علیه وسلمک حضورینه
کلدی . دیدی که : یارسول الله ! آدم وارکه آدی آکیلسون دییه حرب
ایدر . آدم وارکه غنیمته نائل اولسون دییه حرب ایدر . آدم وارکه
شان وشرف صاحب اولسون دییه حرب ایدر . بونلرک هانکیسی الله